

Fula - Rewbe Deftere - Wives Scriptures

Efesu'en 5:22-24 Onon rewbe, leestane worbe mon. Bana ni mbaŋgirton on leestani Jawmiraawo. 23 Ngam gorko laati hoore debbo mum, bana Almasiihu laatori hoore jama'aare Masiihiŋko'en. Almasiihu woni kisnoowo jama'aare laatiinde bandu muudum. 24 Bana jama'aare don leestana Almasiihu, bana non rewbe boo leestirana worbe muudum'en nder koodume fuu.

Efesu'en 5:31,33 Deftere wi'i: "Gorko accan baaba mum e daada mum, dakkotiran bee debbo mum, kambe dido be laatoto bandu wooru." 33 Ammaa nde don wolwa haala moodon boo: Sey koomoy moodon yida debbo mum bana hoore mum, debbo boo teddina gorum.

- 1 Korintu'en 7:3 Gorko wonda bee debbo mum bana no haandi, debbo boo humtana gorum haaje.
- 1 Korintu'en 7:34 Bana ni bernde maako sendake didi. Non boo debbo jurumdo malla ceeraado malla paanyo mo meedaay te'eego. O don suklano kuugal Jawmiraawo, haa o laato cenaado bee bandu e ruuhu fuu. Ammaa te'aado don suklano kuuje duniyaaru, haa fottana gorum.

Kolossi'en 3:18 Onon rewbe, downtane worbe mon, kanjum fottani Jawmiraawo. 19 Onon worbe, ngide rewbe mon, taa caatane be.

- 1 Timote 2:11-15 Sey rewbe kedito anndinol bee jeende e dowtaare. 12 Mi dungataako be ngaaja malla be laamano worbe. 13 Ngam Aadamu aarti Hawwa tageego. 14 Aadamu tokkaaki esto, ammaa debbo tokki ngo, luuti umroore Jehovah. 15 Rewbe kisan bee danyugo bikkoy, ammaa sey be tabita nder nuddinki e yiide e senaare, be laato semtoobe boo.

Laataanooji 3:16 Nden o wi'i debbo: "Mi duddinan luuwe danyki ma. A danyan bee bone. A yenwan gondal bee gorko ma, kaŋko o laamoto dow maada."

- 1 Piyer 3:1,2 Bana non boo onon rewbe, downtane worbe moodon. Ngam to wodbe mabbe nuddinaay wolde Jehovah, dowtaare moodon yahran be haa nuddinki. Dum wadan koo to on mbolwaay koo tis, 2 ngam be ndaaran no joonde moodon laabrata, no on cujidiranta Allah bee goonga.

Titus 2:1-5 Ammaa an, ko mbolwata fuu, sey dum tokko anndinol goongawol. 2 Yeccu worbe nayeebe be laato de'a-hakkiilo'en, ne'iibe, naŋtiibe, waŋginbe nuddinki e yiide e munyal. 3 Bana non boo rewbe nayeebe laato senaabe nder kuude muudum'en, taa be laato wadoobe tufle malla horbe nguykinoojam, ammaa be anndinoobe ko woodi. 4 Sey be ekkitina derke'en rewbe yidugo worbe muudum'en e bikkoy muudum'en, 5 haa be laato hakkilbe, naŋtiibe, daada'en ci'e woodbe, dowtantoobe worbe muudum'en, ngam taa goddo hallina kubar Jehovah.

Balndi 12:4 Debbo tiiniido woni daraja gorko mum, ammaa debbo cemtiniido

nandi bee gildi nyaamooji i'e.

Balndi 14:1 Debbo mardo hikma nyiban saare, ammaa debbo paataado yibbinan nde.

Balndi 19:13 Biddo paataado woni sarru haa baaba mum, jokkirli debbo ngoni ci'ol ngol timmataa.

Balndi 21:9,19 Joodaago dow sebatto soorowol buri joodaago nder suudu bee debbo giiddo jokkirli. 19 Joodaago haa ladde meere buri marugo debbo badoowo jokkirkol e mettinoowo bernde.

Balndi 25:24 Joodaago dow sebatto soorowol buri joodaago nder suudu bee debbo giiddo jokkirli.

Balndi 27:15,16 Si'ugo suudu nyande iyeende e debbo badoowo jokkirkol don nandi: 16 Je"ingo mo hebataako, bana jogaago hendl malla nebbam.

Balndi 31:10-31 Debbo tiiniido, moy hebata dñum? Saman maako buri luuluuje piw. 11 Bernde goriiko don hooli mo, o sooyataa kebal sam. 12 Debbo oo huuwanan mo boodñum, naa kalludum, balde ngeendam maako fuu. 13 O dabban gaasa baali e hottollo, o huuwan dñum bee juude tiiniide. 14 O nandi bee koomboje filoobe, diga daayiidum o waddoyan nyaamduji cubaadi. 15 Diga weetaay, o ummoto, o waña nyaamdu saare mabbe, o sendana horbe maako kuugal. 16 O numan haala ngesa, o soodan ka, bee nafuda juude maako o juboto ngesa inabooje. 17 O baawðo kuugal, o woodi sembe, o don huuwa bee tiinaare. 18 O anndi nafuda kuude maako, o nyallan juuwugo, o yoofataa, sey to jemma jengi. 19 Juñgo maako jogoto kardumbal, kooli maako nangan dorweere. 20 O lii'anto laafube juñgo maako, o hokkan talaka'en bee caahaaki. 21 Jaangol hulnataa mo, ngam koomoy nder saare mabbe mari limce didi. 22 O wadanan hoore maako godooje, o don haddo limce bodeeje delemde. 23 Goriiko teddudo nder dawriinde berniwol, o don joodi ton caka ndotti'en. 24 O sannyan gude e taadorli, o soorran dñum filoobe. 25 O maran baawde e daraja, haajeeji jaango billataa mo. 26 O mabbitan hunduko maako bee hikma, wasuyeeji booddi don haa demñgal maako. 27 O aynan ko laatoto nder saare mabbe fuu, o nyaamataa nyaamdu mbaateendam. 28 Bibbe maako ummoto, mbarkidinan mo, goriiko boo mangtan mo: 29 "Woodi rewbe duudbe tiiniibe, ammaa an a buri be fuu!" 30 Ngarol dñum rikisi, boodki boo dñum esto, debbo kuldo Jawmiraawo, kañko on he'i mangtoore. 31 Ndokke mo mbarjaari tiinaare maako, yimbe berniwol fuu mangta mo ngam kuude maako.